

Acta da Xunta de Goberno correspondente ó 16 de xaneiro de 2015
--

No Pazo da Deputación Provincial de Ourense, o dezaseis de xaneiro do ano dous mil quince, ás trece horas, reúnese a Xunta de Goberno da Deputación baixo a presidencia de don Rosendo Luis Fernández Fernández (vicepresidente 1º), en substitución do titular, don José Manuel Baltar Blanco, presidente da mencionada Deputación -que como tal é da Xunta-, cos deputados, don Plácido Álvarez Dobaño, don José Antonio Feijóo Alonso, don Francisco Rodríguez Rodríguez, don José Manuel Freire Couto, don Emilio José Pazos Ojea, don Antonio Montero Fernández e don Eladio Mangana Nóvoa, os que constitúen a maioría absoluta da devandita xunta, co fin de celebrar sesión ordinaria en primeira convocatoria e tratar nela os asuntos que figuraban na orde do día.

Asiste a interventora, dona Mónica Legaspi Díaz, e dá fe do acto, o secretario xeral, don Francisco Cacharro Gosende.

Unha vez aberta a sesión pola Presidencia á mencionada hora, e despois do correspondente estudo e deliberación, adoptáronse os seguintes acordos:

1.- ACTA DA SESIÓN ANTERIOR, ORDINARIA, DO DÍA 29 DE DECEMBRO DE 2014.- Unha vez examinada a acta da sesión ordinaria que tivo lugar o día vinte e nove de decembro de dous mil catorce, a **Xunta de Goberno** da Deputación **acordou**, por unanimidade, a súa aprobación, sen observacións.

2.- APROBACIÓN DAS BASES REGULADORAS DO CONCURSO PARA A CONCESIÓN DE SUBVENCÍONS PARA O FOMENTO DO TERMALISMO SAUDABLE E A CULTURA TERMAL NA PROVINCIA DE OURENSE, CORRESPONDENTE AO EXERCICIO 2015.- Os balnearios, tradicionalmente asociados a solucións terapéuticas dirixidas ao colectivo de persoas maiores, adquiriron, na última década, un novo concepto máis amplo, relacionado co coidado, coa saúde e o benestar.

As instalacións balnearias, en liña con este concepto, renovan as súas instalacións, especializan os seus profesionais, establecen sinerxias para dimensionar ao sector, dotan os establecementos de servizos que provocan a atracción dun público diverso e adquiren o posicionamento de sector dinamizador dos contornos onde se localiza.

A administración provincial non é allea e esta recuperación das terapias termais e a estreita relación existente entre ocio saudable e calidade de vida, nin tampouco á importancia que teñen as instalacións balnearias no xusto equilibrio entre instalacións hoteleiras e de

Acta da Xunta de Goberno correspondente ó 16 de xaneiro de 2015
--

saúde nos lugares onde están localizadas, cunha actividade económica e laboral baseada na explotación de recursos endóxeos sen perigo de deslocalización e que se encontran nun contorno territorial ben delimitado un número de infraestruturas balnearias e unha variedade ampla de augas con características ben diferentes o que converte o sector en potencial líder empresarial da provincia de Ourense.

No programa 2015 e, por primeira vez, dentro das políticas sociais da Deputación de Ourense, daráselles un tratamento similar aos empadroados nalgún concello de Ourense e aos/ás residentes da Eurocidade Chaves-Verín, que só con acreditar a súa condición de EUROCIDADÁNS participarán no programa en igualdade de condicións que os empadroados na provincia de Ourense – mediante o acceso á contía de subvencións prevista para os/as empadroados na provincia-. Esta identidade é coherente coa asunción plena do concepto das eurocidades europeas que Ourense ten a fortuna de ter representada na Eurocidade Chaves-Verín, unha identidade xurídica que facilita o recoñecemento da nova dimensión de transfronteiridade como ferramenta de reconceptualización das oportunidades que esta situación de privilexio xeográfico concede aos/ás residentes en ambos lados da fronteira para que poidan beneficiarse das políticas, neste caso, sociais desenvolvidas dende a Deputación de Ourense.

As liñas de actuación, que se regulan nesta subvención, enmárcanse no proxecto “Ourense, provincia Termal”, onde Xunta de Galicia e Deputación de Ourense están a colaborar estreitamente na aposta pola riqueza termal desta provincia como unha das súas grandes fortalezas.

Así, a Presidencia, en atención aos resultados cuantitativos e, aínda máis, cualitativos que amosan os últimos anos en que se está a desenvolver iniciativas de impulso e dimensionamento da oferta e o atractivo balneario, e de acordo cos establecementos balnearios da provincia de Ourense, pon en marcha diferentes liñas de subvencións cun obxectivo concreto: impulsar novos produtos que xeren fidelización e desestacionalización, ampliando o coñecemento e a importancia do sector para a provincia de Ourense.

Nestas bases defínense dúas grandes liñas de subvención: a primeira, ten como obxectivo fomentar o uso dos servizos destes establecementos provinciais polas persoas adultas que superen os 50 anos de idade, na procura da incentivación da práctica do ocio saudable destas persoas, contribuíndo, deste xeito, a incrementar a súa calidade de vida e

Acta da Xunta de Goberno correspondente ó 16 de xaneiro de 2015
--

benestar, ao tempo que se incide no desenvolvemento e maior coñecemento do termalismo provincial, sector estratéxico económico e social para Ourense; e a segunda liña potencia a cultura termal, nun afán de divulgar este concepto, facilitando o goce do sistema do benestar termal para todas as idades.

O establecemento destas dúas liñas de subvencións ten o seu encaixe competencial no artigo 36.1.d) da Lei 7/1985, do 2 de abril, reguladora das bases do réxime local, que lle atribúe á deputación a competencia de cooperación no fomento do desenvolvemento económico e social, respondendo ás previsións da liña c.6 do Plan estratéxico de subvencións da Deputación de Ourense e do INORDE para o exercicio 2015 (BOP n.º 279, do 4 de decembro de 2014), dentro da acción III do Plan de acción contemplado no apartado 5º III.

Polo exposto, e unha vez visto o proxecto de bases elaborado pola Área de Benestar e supervisado pola Secretaría Xeral, esta Presidencia **propón** que pola Xunta de Goberno se adopte o seguinte acordo:

1º) Aprobar as bases reguladoras do concurso para a concesión de subvencións para o fomento do termalismo saudable e a cultura termal na provincia de Ourense correspondente ao exercicio 2015, co seguinte contido:

Primeira. Obxecto e beneficiarios.

1. Constitúe o obxecto destas bases a regulación da concesión de subvencións destinadas ao fomento do ocio saudable nas instalacións balnearias da provincia de Ourense, mediante concorrencia non competitiva a través do procedemento previsto nos artigos 19.2 da Lei 9/2007, do 13 de xuño, de subvencións de Galicia, e no artigo 8 da Ordenanza xeral de subvencións da Deputación Provincial de Ourense (BOP nº 285, do 13 de decembro de 2013).

A concesión de axudas ás que se refire esta convocatoria realizarase de forma continua, ata esgotar o orzamento previsto, segundo a orde de recepción das solicitudes e baixo os principios de publicidade, transparencia, obxectividade, igualdade e non discriminación.

2. En concreto, a través do procedemento regulado nestas bases, a Deputación Provincial de Ourense concederá subvencións baixo dúas modalidades diferentes de programas:

Acta da Xunta de Goberno correspondente ó 16 de xaneiro de 2015
Programas tipo 1. Programa de Termalismo Saudable.
A.Estancias

A.1 Estancias balnearias: estas subvencións financiarán estancias dos beneficiarios nos establecementos balnearios da provincia de Ourense de 6 días de duración (5 noites) de luns a sábado (en réxime de habitación dobre compartida, sen prexuízo do previsto na base cuarta, apartado 3, pensión completa con bebida, dez técnicas balnearias, revisión médica dos beneficiarios á súa chegada e programa de animación social).

A.2 Estancias Balnearias + tren: estas subvencións financiarán as estancias balnearias conforme co previsto no apartado A.1. Neste programa, ademais do acceso á subvención en igualdade de condicións que os solicitantes do programa A.1, aos beneficiarios/as da subvención facilitaráselles a obtención dos billetes de tren (ida e volta), dende algunha das “estacións termais” que participan neste programa e que se refiren no convenio subscrito entre Deputación de Ourense e RENFE e, se é o caso, as súas addendas ata a estación de Ourense. Os balnearios proporcionan servizos tales como traslados (ida e volta), dende a estación de Ourense ata o/os balneario/os seleccionados e rutas culturais.

A xestión para a obtención e posta a disposición do(s) billete(s) de tren, así como os traslados entre a estación e os balnearios, e as rutas culturais, serán responsabilidade do balneario no que o solicitante desexe gozar do programa e non leva consigo gasto ningún pola xestión. O custo do billete, que será aboado polo beneficiario, responderá unicamente á tarifa prevista por RENFE para este programa e o importe aboado polo beneficiario en concepto de traslado (estación de tren de Ourense/balneario/estación de tren) ao previsto polo balneario para este servizo.

A. 3 Estancias balnearias CON ou SEN tren para grupos. Estas subvencións financiarán as estancias balnearias de grupos en similares condicións que as previstas para o programa A.1. Para ter a consideración de grupos, terán que cumprirse as seguintes condicións:

- a. Que agrupen, polo menos, a 10 persoas en concepto de solicitantes e/ou acompañantes.
- b. Que a solicitude deste programa sexa tramitada por unha entidade adherida, segundo o previsto nestas bases.

Acta da Xunta de Goberno correspondente ó 16 de xaneiro de 2015
--

- c. Que os solicitantes como GRUPO realicen un programa de estancias nun mesmo establecemento balneario e dentro da mesma quenda.

B.- Tratamentos

B. 1 Tratamentos balnearios (sen estancia no establecemento). Financiarase o uso de técnicas balnearias (vinte técnicas balnearias en quendas de dez días consecutivos) e a realización dunha revisión médica do beneficiario no primeiro día da súa chegada ao establecemento.

Programa tipo 2: Programa de Cultura Termal: Estas subvencións financiarán estancias de fin de semana dos beneficiarios nos establecementos balnearios da provincia de Ourense, de 2 días de duración (1 noite) de sábado a domingo, incluíndose pensión completa para os adultos, técnicas balnearias para os adultos, estancia e programa de ocio para nenos/as acompañantes menores de 12 de idade, cun máximo dun menor por solicitante, de ser o caso.

3. As subvencións reguladas nesta convocatoria cinguen o seu obxecto aos servizos balnearios sinalados na presente base, entendéndose excluído calquera outro servizo adicional e non previsto nestas bases para cada programa descrito que poida ser prestado polos establecementos aos beneficiarios. En todo caso, este tipo de servizos adicionais só poderán ser prestados co consentimento dos afectados, sen que de ningunha maneira se lles poida impoñer aos beneficiarios a súa recepción.

4. Sen prexuízo da subvención da Deputación, os servizos de estancia e tratamento balneario seranlles prestados polos establecementos aos usuarios con carácter de servizos privados, prestados conforme ás condicións contractuais que rexen para este tipo de servizos conforme á normativa turística, civil e mercantil aplicable. A Deputación Provincial en ningún caso será parte na relación contractual entre os beneficiarios e os establecementos.

5. Os establecementos balnearios onde se realizarán as estancias e tratamentos subvencionados son os seguintes:

- Balneario –Hotel Baños de Molgas.
- Gran Balneario do Carballiño.
- Balneario Arnoia Caldaria
- Balneario Laias Caldaria
- Balneario Lobios Caldaria.
- Balnearios de Cortegada.

Acta da Xunta de Goberno correspondente ó 16 de xaneiro de 2015
--

Isto, sen prexuízo de que, ao longo do desenvolvemento deste programa, se poidan incorporar establecementos balnearios da provincia de Ourense que ofrezan condicións semellantes ás definidas nestas bases e o soliciten de forma expresa.

Os titulares dos ditos establecementos terán a consideración de entidades colaboradoras da Deputación, ao abeiro do establecido no artigo 12 da Lei xeral de subvencións, concretándose os seus dereitos e obrigas mediante convenio de colaboración que se subscribirá pola Presidencia no marco do establecido nas presentes bases. Entre outros aspectos, o convenio regulará as obrigas de xustificación das subvencións polos establecementos, as obrigas de publicitar a participación da Deputación no financiamento dos servizos prestados, así como tamén o sistema para que, durante o período previsto de solicitudes de subvención, poida establecerse, dentro do orzamento global, unha redistribución das contías económicas asignadas ás dúas liñas de subvención previstas nestas bases.

En atención a que a solicitude para participar neste programa é unicamente de carácter telemático e debido ás dificultades que para algúns cidadáns pode ter o acceso a internet e a tramitación a través desta vía, prevese a existencia de **acordos de adhesión** ao programa. Estes acordos poderanse subscribir só con entidades públicas, ou entidades privadas sen ánimo de lucro que pasarán a considerarse **“entidade(s) adherida(s)”**. A sinatura destes convenios implica a asignación por parte da Deputación dunha clave de acceso para entidades, de forma que poida ofertar e tramitar este programa, nas súas diferentes liñas de subvención, facilitándolles o acceso aos cidadáns e/ou membros dos colectivos aos que representa. Ademais, os asinantes destes convenios son os únicos que teñen acceso a poder solicitar a liña de subvención prevista na base primeira, apartado A.3, estancias balnearias CON ou SEN tren para grupos.

6. Poderán ser beneficiarias das subvencións reguladas nestas bases as persoas físicas que reúnan os requisitos que se solicitan para cada un dos programas, segundo se expresa a continuación:

Programa Tipo 1. Programa de Termalismo Saudable.

a) Ter cumpridos, cando menos, cincuenta anos de idade na data da formulación da solicitude.

Acta da Xunta de Goberno correspondente ó 16 de xaneiro de 2015
--

b) Non padecer enfermidade nin alteración ou contraindicación médica que dificulte ou impida a normal convivencia nos establecementos balnearios.

c) Ser persoa válida para as actividades da vida diaria.

Tamén poderán ser beneficiarios da subvención, como acompañante, as persoas que, aínda que non reúnan as condicións esixidas para ser solicitante, desexen aloxarse nos establecementos balnearios e/ou recibir os tratamentos como acompañante dunha persoa que reúna os requisitos sinalados nos apartados a), b), c) anteriores. Neste caso, a súa participación terá que ser pedida de forma conxunta cun solicitante que cumpra os ditos requisitos e realizarse de forma simultánea.

Programa Tipo 2. Programa de Cultura Termal:

a) Ter cumpridos, cando menos, 18 anos de idade.

b) Non padecer enfermidade nin alteración ou contraindicación médica que dificulte ou impida a normal convivencia nos establecementos balnearios.

d) Ser persoa válida para as actividades da vida diaria

Tamén poderán ser beneficiarios da subvención, como acompañante(s), as persoas que desexen aloxarse nos establecementos balnearios e recibir os tratamentos como acompañante dun/dunha solicitante e, naqueles balnearios que oferten este programa con nenos/as, os menores de 12 anos, cun máximo de 1 por solicitante, que se aloxen co(s) solicitante e o seu acompañante na mesma habitación. Neste caso, a súa participación terá que ser pedida de forma conxunta coa da persoa que reúna os requisitos para ser considerado solicitante.

7. O tipo de tratamento que se oferta dependerá do balneario seleccionado, podendo ser modificado en función da revisión médica dos beneficiarios realizada á súa chegada ao establecemento.

Os prezos dos servizos balnearios de cada establecemento figuran na táboa anexa I destas bases.

A información detallada sobre as características dos establecementos e dos tratamentos ofertados estará dispoñible para consulta dos interesados, durante o prazo de formulación de solicitudes, na dirección electrónica seguinte:
<http://termalismo.depourense.es>.

Acta da Xunta de Goberno correspondente ó 16 de xaneiro de 2015
--

8. En todos os casos a realización das estancias ou recepción dos tratamentos subvencionados terá lugar desde o día seguinte ao da publicación do anuncio destas bases no BOP e ata o día 30 de novembro de 2015.

As quendas para a realización dos diferentes programas serán elixidas polos solicitantes no momento de cubrir telematicamente a súa solicitude. As quendas iniciaranse dende as doce horas do luns, día de chegada, ata as doce horas do sábado, día da saída no caso de Programa de Termalismo Saudable (estancias balnearias) e desde as doce horas do sábado, día de chegada, ata as dezaseis horas do domingo día de saída no Programa de Cultura Termal (estancias fin de semana).

Os beneficiarios e os establecementos poderán modificar, mediante acordo escrito no que conste o consentimento expreso dos afectados, tanto a data concreta de prestacións dos servizos como o establecemento onde terá lugar a prestación.

9. Os interesados unicamente poderán solicitar a concesión da subvención para un dos programas e subprogramas previstos no apartado 2. En consecuencia, non se admitirá a formulación de solicitudes para máis dun programa ou subprograma.

Segunda. Orzamento inicial para cada unha das liñas de subvencións reguladas nas bases de convocatoria.

1. O orzamento inicialmente previsto para cada unha das liñas de subvención reguladas nestas bases é o seguinte:

Programas Tipo 1. Programa de Termalismo Saudable:

A. Estancias.

A.1 Programa de estancias balnearias: 27.000 euros

A.2 Programa de estancias balnearias + tren.:19.000 euros

A.3 Programa estancias balnearias para grupos CON ou SEN tren: 8.000 euros

B. Tratamentos termais: 6.000 euros

Programas Tipo 2. Programa de cultura termal:10.000 euros

2. Periodicamente a Área de Benestar da Deputación de Ourense e os establecementos balnearios participantes avaliarán o desenvolvemento do programa. Como consecuencia da dita avaliación, a Presidencia poderá modificar, segundo se estableza no convenio de colaboración cos establecementos, o orzamento previsto para cada un dos

Acta da Xunta de Goberno correspondente ó 16 de xaneiro de 2015
--

programas e subprogramas ofertados, sen que estas modificacións poidan variar o orzamento global.

Terceira.- Disponibilidade orzamentaria. Contía das subvencións e prezos dos servizos.

1. Para o financiamento das subvencións obxecto da convocatoria existe crédito adecuado e suficiente na aplicación orzamentaria 31.331/207.00 dos orzamentos da Deputación Provincial, ata un máximo de 70.000 euros.

2. As subvencións terán os importes seguintes:

- a) 50 euros por praza Programa de Termalismo saudable, A. Estancia balnearia, se o solicitante está empadroado nalgún municipio da provincia de Ourense incluído o territorio da Eurocidade Chaves-Verín.
- b) 10 euros por praza na modalidade de Programa de Termalismo Saudable, A. Estancia balnearia, se o solicitante non está empadroado en ningún municipio da provincia ou da Eurocidade Chaves-Verín.
- c) 40 euros por praza do Programa Tipo 1. Termalismo Saudable, B. Tratamento balneario, se o solicitante está empadroado nalgún municipio da provincia de Ourense incluído o territorio da Eurocidade Chaves-Verín.
- d) 40 euros por praza na modalidade de Programa Tipo1. Termalismo Saudable A. Tratamento balneario, se o solicitante non está empadroado en ningún municipio da provincia de Ourense ou Eurocidade Chaves-Verín
- e) 10 euros por cada praza de maiores de idade no Programa Tipo 2. Programa de Cultura Termal, se o solicitante está empadroado nalgún municipio da provincia de Ourense ou no territorio da Eurocidade Chaves-Verín .A estancia dun menor de 12 anos, no mesmo réxime que os maiores de idade aos que acompañe, terá un custe de 10 euros e unha subvención de 10 euros.
- f) 5 euros por cada praza de maiores de idade no Programa Tipo 2. Programa de Cultura Balnearia, se o solicitante non está empadroado en ningún municipio da provincia de Ourense ou no territorio da Eurocidade Chaves-Verín
- g) A estancia dun menor de 12 anos, no mesmo réxime que os maiores de idade aos que acompañe, terá un custe de 10 euros e unha subvención de 10 euros.

Acta da Xunta de Goberno correspondente ó 16 de xaneiro de 2015
--

Para os efectos deste Programa, a condición de eurocidadán poderase acreditar a través da tarxeta de euroresidencia ou calquera outro documento que probe a residencia do/da solicitante.

3. As subvencións aplicaranse aos prezos dos servizos ofertados polos establecementos para os beneficiarios dos Programas. Os ditos prezos son os seguintes:

- Balneario –Hotel Baños de Molgas:
 - 220 euros no Programa Termalismo Saudable. Estancia Balnearia en habitación dobre compartida. A estancia en habitación dobre uso individual levará engadido un suplemento de 50 euros.
 - 150 euros por Programa de Termalismo Saudable. Tratamento balneario sen estancia
 - Non se oferta Programa de Cultura Termal. Estancias Fin de Semana.
- Gran Balneario do Carballiño:
 - 220 euros no Programa Termalismo Saudable. Estancia Balnearia en habitación dobre compartida. A estancia en habitación dobre uso individual levará engadido un suplemento de 50 euros.
 - 150 euros por Programa de Termalismo Saudable. Tratamento balneario sen estancia.
 - Non se oferta o Programa de Cultura Termal. Estancias Fin de Semana.
- Balneario Arnoia Caldaria:
 - 240 euros por Programa de Termalismo Saudable. Estancia balnearia en habitación dobre compartida. A estancia en habitación dobre uso individual levará engadido un suplemento de 80 euros.
 - 79 euros por Programa de Cultura Termal. Estancias Fin de Semana en habitación de uso individual. A estancia e servizos previstos para os menores de 12 anos, ata un por solicitante, terán un custe engadido de 10 euros.
 - 67 euros por Programa de Cultura Termal. Estancias Fin de Semana en habitación dobre de uso compartido. A estancia e servizos previstos para os menores de 12 anos, ata un por solicitante, terán un custe engadido de 10 euros.
 - Non se ofertan tratamentos sen estancia.
- Balneario Laias Caldaria:

Acta da Xunta de Goberno correspondente ó 16 de xaneiro de 2015
--

- 250 euros por Programa de Termalismo Saudable. Estancia balnearia en habitación dobre compartida. A estancia en habitación dobre uso individual levará engadido un suplemento de 80 euros.
- 79 euros por Programa de Cultura Termal. Estancias Fin de Semana en habitación de uso individual. A estancia e servizos previstos para os menores de 12 anos, ata un por solicitante, terán un custe engadido de 10 euros.
- 67 euros por Programa de Cultura Termal. Estancias Fin de Semana en habitación dobre de uso compartido. A estancia e servizos previstos para os menores de 12 anos, ata un por solicitante, terán un custe engadido de 10 euros.
- Non se ofertan tratamentos sen estancia.
- Balneario Lobios Caldaria:
 - 250 euros por Programa de Termalismo Saudable. Estancia balnearia en habitación dobre compartida. A estancia en habitación dobre uso individual levará engadido un suplemento de 80 euros.
 - 79 euros por Programa de Cultura Termal. Estancias Fin de Semana en habitación de uso individual. A estancia e servizos previstos para os menores de 12 anos, ata un por solicitante, terán un custe engadido de 10 euros.
 - 67 euros por Programa de Cultura Termal. Estancias Fin de Semana en habitación dobre de uso compartido. A estancia e servizos previstos para os menores de 12 anos, ata un por solicitante, terán un custe engadido de 10 euros.
 - Non se ofertan tratamentos sen estancia.
- Balneario de Cortegada:
 - 249 euros por Programa de Termalismo Saudable. Estancia balnearia en habitación dobre compartida. A estancia en habitación dobre uso individual levará engadido un suplemento de 60 euros.
 - 95 euros por Programa de Cultura Termal. Estancias Fin de Semana en habitación de uso individual.
 - 80 euros por Programa de Cultura Termal. Estancias Fin de Semana en habitación dobre de uso compartido.
 - Non se ofertan tratamentos sen estancia.

Acta da Xunta de Goberno correspondente ó 16 de xaneiro de 2015
--

Os prezos sinalados son prezos finais, incluíndo o IVE actualmente vixente. Non obstante o anterior, se no momento da facturación dos servizos correspondentes se modificase o IVE aplicable, o aumento ou redución do imposto repercutirase no beneficiario, incrementando ou reducindo a contía para pagar na cantidade que proceda.

Os prezos sinalados son pechados para todos os servizos incluídos en cada praza, sen que exista a posibilidade de efectuar dedución ningunha se por calquera causa a persoa participante non emprega todos ou algúns dos servizos ofertados.

4. A subvención da Deputación librarase directamente aos establecementos termiais colaboradores, tras a presentación previa ante a Deputación da xustificación conforme co establecido no convenio de colaboración cos establecementos balnearios.

Cuarta.- Forma de pago dos servizos subvencionados por parte dos beneficiarios.

1. Os beneficiarios aboarán o prezo das prazas da forma seguinte:

Na solicitude de subvención dos programas definidos na base primeira, apartados A.1, A.2 e A.3 o solicitante deberá cubrir un número tarxeta de crédito, e unha autorización para que, tras a concesión, de ser o caso, da subvención solicitada, de forma automática o establecemento balneario para o que faga a solicitude, poida establecer unha retención en garantía do pago nos seguintes termos:

Programa de Termalismo Saudable:

- a. A1: 50 € en concepto de reserva de praza.
- b. A2: 100€/50€ segundo o programa de estancias + tren incorpore traxectos de longo percorrido ou non.
- c. A3: Sen tren 50€. No caso de incorporar tren, a contía será de 100€ ou de 50€ segundo se trate de traxectos de longo percorrido ou non.

Os efectos destes programas son traxectos de longo percorrido en tren aqueles que se realizan en dúas paradas, unha delas en tren de alta velocidade.

Programa de Cultura Termal: o 100% do prezo do programa pedido polo solicitante.

A cantidade pendente para aboar/ completar o custo total da praza (só nos casos de subvencións para o Programa de Termalismo Saudable) aboaráselles directamente aos establecementos balnearios no momento da chegada a eles, facéndoselles entrega da factura correspondente, se así o solicitan.

Acta da Xunta de Goberno correspondente ó 16 de xaneiro de 2015
--

2. En caso de que o solicitante decida renunciar á praza adxudicada, poderá facelo e terá dereito a que se lle libere a retención en garantía, caso de tela depositada, establecida sobre a súa conta bancaria ou tarxeta de crédito, que a renuncia se faga con 10 días naturais de antelación á data de inicio do programa subvencionado e, entre a data da solicitude e a elixida para o inicio da estancia ou tratamento medien, cando menos, 20 días naturais.

A renuncia tramitarase a través da plataforma informática.

3. Os usuarios poderán solicitar unha habitación individual, así como calquera outro servizo adicional ofertado polo establecemento. Estes servizos non serán obxecto de subvención, e serán aboados exclusivamente polo usuario que os solicite.

Quinta. Solicitudes. Prazo, modo e lugar de presentación e documentación esixible.

1. As solicitudes poderán presentarse desde o día seguinte ao da publicación destas bases no Boletín Oficial da Provincia e ata esgotar o crédito orzamentario, e, en todo caso, ata o día 30 de novembro de 2015.

2. As solicitudes deberanse tramitar telematicamente, a través da dirección electrónica <http://termalismo.depourense.es>, rexistrándose no Rexistro Electrónico Xeral da Deputación de Ourense. O emprego de medios electrónicos para a formulación da solicitude terá carácter obrigatorio, ao abeiro do establecido no artigo 27.6 da Lei 11/2007, de acceso electrónico dos cidadáns aos servizos públicos, ao estar plenamente garantido o acceso e dispoñibilidade dos medios tecnolóxicos precisos conforme co establecido no parágrafo seguinte, polo que non se admitirá a trámite ningunha solicitude que se formule por outros medios.

3. O rexistro da solicitude telemática poderá levarse a cabo por calquera dos seguintes modos:

a) Polo propio solicitante, ou o seu representante, en ambos casos empregando o DNI electrónico da persoa que formula a solicitude.

b) Por funcionarios da Área de Benestar da Deputación, autorizados polo solicitante para realizar a solicitude no seu nome, ao abeiro do establecido no artigo 4.4 da Ordenanza reguladora do acceso electrónico dos cidadáns aos servizos provinciais.

4. Na solicitude, que deberá cubrirse no modelo normalizado que se estableza, o solicitante realizará directamente a reserva para o programa nas datas que desexe. Este proceso tramitarase en liña a través da plataforma informática.

Acta da Xunta de Goberno correspondente ó 16 de xaneiro de 2015
--

Na solicitude, o solicitante indicará obrigatoriamente un número de conta corrente autorizando para que, en caso de que se lle conceda a subvención pedida, o establecemento balneario para o que solicita subvención, realice unha retención en garantía do pago polo importe expresado na base cuarta apartado 1. Igualmente a plataforma informática requirirá automaticamente a emenda das deficiencias consistentes na ausencia da documentación anexa prevista neste apartado, de xeito tal que o proceso de presentación da solicitude non poderá completarse ata que a dita deficiencia sexa emendada.

Opcionalmente, na solicitude o interesado poderá autorizar á Deputación a enviarlle a través de correo electrónico e/ou mensaxería telefónica (sms, etcétera), a comunicación da publicación do acordo de resolución do concurso. No caso de non incluírse esta autorización na solicitude, a Deputación non lle efectuará ningunha comunicación individual ao interesado relativa ao acordo de resolución do concurso, publicándose a información correspondente exclusivamente a través da dirección electrónica <http://termalismo.depourense.es>, conforme co sinalado na base.

5. Coa solicitude deberá achegarse autorización para que a Deputación de Ourense comprobe os DD.NN.II, ou documento de identificación do solicitante e, de ser o caso, do acompañante, así como os datos da súa inscrición no padrón, rexistro de eurocidadáns ou datos de residencia, caso de declarar estar empadroado nalgún municipio da provincia de Ourense e/ou Eurocidade Chaves-Verín.

Mediante esta autorización, que se cubrirá na propia solicitude telemática, e baseándose no acordo de prestación de servizos de administración electrónica subscrito entre o Ministerio de Facenda e Administracións Públicas e a Deputación de Ourense, a administración provincial procederá á verificación e consulta de datos a través da plataforma de intermediación de datos, desenvolvida para facilitar o cumprimento do artigo 6.2.b) da Lei 11/2007, de acceso electrónico dos cidadáns aos servizos públicos.

6. En caso de dúbida, dificultades técnicas ou necesidade de máis información, os interesados poderán dirixirse á Área de Benestar da Deputación Provincial que lles prestará a asistencia precisa aos interesados, en horario de 9.00 horas a 14.00 horas, de luns a venres. Esta posibilidade estará dispoñible ata as 14.00 horas do último día hábil do prazo de solicitude.

Sexta.- Xestión de solicitudes e concesión de subvencións

Acta da Xunta de Goberno correspondente ó 16 de xaneiro de 2015
--

A Área de Benestar da Deputación de Ourense xestionará as solicitudes presentadas, concedéndose automaticamente as subvencións conforme co sinalado nesta base, en función da dispoñibilidade de prazas existentes en cada momento, determinada polo crédito orzamentario dispoñible.

As subvencións adxudicaránse seguindo a orde de prelación establecida pola data e hora de presentación da solicitude beneficiaria da subvención. Este código data/hora será xerado de forma automática pola plataforma informática por cada solicitude que se presente.

A información sobre o número de prazas dispoñibles en cada momento será pública e accesible de xeito permanente a través da plataforma informática.

A xestión electrónica das solicitudes realizarase cada venres (semanalmente) e referirase a todas as solicitudes presentadas entre 00.01 horas do venres anterior ao da valoración ata as 23:59 horas do xoves previo ao venres de valoración. O sistema determinará a cualificación como “conforme con subvención Deputación”, ou “excluída”, en atención a que cumpran cos requisitos de acceso esixible para cada programa ou non, e da existencia de crédito orzamentario dispoñible.

As solicitudes que sexan conformes integrarán unha lista ordenada, na que se incluírán todas as que foron obxecto de xestión nesa semana, quedando automaticamente concedidas as subvencións correspondentes.

O listado non será obxecto de notificación individual, que será substituída pola súa publicación na sede electrónica da Deputación Provincial, ao abeiro do establecido no artigo 59.6.b) da Lei de réxime xurídico das administracións públicas e do procedemento administrativo común.

En caso de dúbida, dificultades técnicas ou necesidade de máis información, os interesados poderán dirixirse á Área de Benestar da Deputación Provincial que lle prestará a asistencia precisa, en horario de 9.00 horas a 14.00 horas, de luns a venres.

Sétima.- Normativa de aplicación.

No non disposto nestas bases, será de aplicación o establecido na vixente lexislación reguladora das subvencións provinciais.

2º) Ordenar que se proceda á convocatoria das subvencións mediante a publicación destas bases no Boletín Oficial da Provincia e na sede electrónica da Deputación Provincial.

Acta da Xunta de Goberno correspondente ó 16 de xaneiro de 2015

BALNEARIO	PROGRAMA	PREZO	
		Solicitante empadroado na provincia de Ourense	Solicitante non empadroado na provincia de Ourense
BALNEARIO ARNOIA CALDARIA	Estancia Balnearia. Habitación dobre compartida	190 €	230 €
	Estancia Balnearia. Habitación individual (supl. 80€)	270 €	310 €
	Tratamento Balneario	Non se oferta	
	Fin de Semana Individual	69 €	74 €
	Fin de semana Parella	114 €	124 €
	Fin de semana individual + 1 menor	69 €	74 €
	Fin de semana parella + 1 menor	114 €	124 €
BALNEARIO -HOTEL DE BAÑOS DE MOLGAS	Estancia Balnearia. Habitación dobre compartida	170 €	210 €
	Estancia Balnearia. Habitación individual (supl. 50€)	220 €	260 €
	Tratamento Balneario	110 €	110 €
GRAN BALNEARIO O CARBALLIÑO	Estancia Balnearia. Habitación dobre compartida	170 €	210 €
	Estancia Balnearia. Habitación individual (supl. 50€)	220 €	260 €
	Tratamento Balneario	110 €	110 €
BALNEARIO LAIAS CALDARIA	Estancia Balnearia. Habitación dobre compartida	200 €	240 €
	Estancia Balnearia. Habitación individual (supl. 80€)	280 €	320 €
	Tratamento Balneario	Non se oferta	
	Fin de Semana Individual	69 €	74 €
	Fin de semana Parella	114 €	124 €
	Fin de semana individual + 1 menor	69 €	74 €
	Fin de semana parella + 1 menor	114 €	124 €
BALNEARIO LOBIOS CALDARIA	Estancia Balnearia. Habitación dobre compartida	200 €	240 €
	Estancia Balnearia. Habitación individual (supl. 80€)	280 €	320 €
	Tratamento Balneario	Non se oferta	
	Fin de Semana Individual	69 €	74 €
	Fin de semana Parella	114 €	124 €
	Fin de semana individual + 1 menor	69 €	74 €
	Fin de semana parella + 1 menor	114 €	124 €
BALNEARIO DE CORTEGADA	Estancia Balnearia. Habitación dobre compartida	199 €	239 €
	Estancia Balnearia. Habitación individual (supl. 60€)	259 €	299 €
	Tratamento Balneario	Non se oferta	
	Fin de Semana Individual	85 €	90 €
	Fin de semana Parella	140 €	150 €
	Fin de semana individual + 1 menor	Non se oferta	
	Fin de semana parella + 1 menor	Non se oferta	

Acta da Xunta de Goberno correspondente ó 16 de xaneiro de 2015
--

3.- ASUNTOS DE URXENCIA.- Non se suscitaron.

4.- COMUNICACIÓNS DA PRESIDENCIA.- Non houbo.

5.- ROGOS E PREGUNTAS.- Non se formularon.

E, ás trece horas e vinte minutos, do referenciado día dezaseis de xaneiro do ano dous mil quince, a Presidencia dá por rematada a sesión da Xunta de Goberno, e redáctase esta acta, que se asinará segundo o legalmente establecido.

O PRESIDENTE,

O SECRETARIO,